



2310 ք. Ծաղկաձոր Օրբելի եղբ. 9 Tsakhkadzor city Orbeli Br.9
հեռ. +374 60 703000, էլ. hawugb tsaghkadzor.kotayq@mta.gov.am, info@visittsaghkadzor.com

29 օգոստոս 2025թ.

<<Մինասյաններ Շին>> ՍՊԸ
ՏՆՕՐԵՆ Գ.ՄԻՆԱՍՅԱՆԻՆ
Հասցե՝ Գեղարքունիքի մարզ, գ. Երանոս, 4/26
ՀՎՀՀ 08423306
Էլ. փոստ՝ minshin.1982@mail.ru

ԾԱՆՈՒՑՈՒՄ

Պայմանագիրը միակողմանի ամբողջությամբ լուծելու վերաբերյալ

Հարգելի մասնակից

Ծաղկաձորի համայնքապետարանի (այսուհետ՝ Պատվիրատու) կարիքների համար «Ծաղկաձոր համայնքի Մեղրաձոր բնակավայրի խմելու ջրի ջրամատակարարման համակարգի կառուցման աշխատանքներ»-ի ձեռքբերման նպատակով հայտարարված «ԾԲ-ՀԲՄԱՇՁԲ-24/9» ծածկագրով գնման ընթացակարգի արդյունքում «Մինասյաններ Շին» ՍՊԸ-ի (այսուհետ՝ Կապալառու) հետ 2024թ. նոյեմբերի 01-ին կնքվել է թիվ «ԾԲ-ՀԲՄԱՇՁԲ-24/9» ծածկագրով կապալային աշխատանքների կատարման պայմանագիր (այսուհետ՝ Պայմանագիր):

Ընթացակարգին հայտ ներկայացրած և երկրորդ տեղ զբաղեցրած մասնակից «ՊՐՈՖ ԲԻԼԴ» ՍՊԸ, «ԱՐՄ ՊԼԱՍՏ» ՓԲԸ, «ԴՈՐՈՇՆԻԿ Ա» ՍՊԸ համատեղ գործունեության կողմից բողոք է ներկայացվել Երևան քաղաքի առաջին ատյանի ընդհանուր իրավասության քաղաքացիական դատարան՝ գնումների պաշտոնական տեղեկագրում 09.10.2024 թվականին հրապարակված հայտերի բացման և գնահատման նիստի արձանագրության 4-րդ և 7-րդ կետերն անվավեր ճանաչելու մասին:

Երևան քաղաքի առաջին ատյանի ընդհանուր իրավասության քաղաքացիական դատարանի թիվ ԵԴ2/9398/02/24 քաղաքացիական գործով 2025թ. հունվարի 03-ին կայացված վճռով (այսուհետ՝ Վճիռ) բավարարվել է հայցադիմումը՝ անվավեր ճանաչելու Պայմանագիրը:

Սույն դատավճիռը մտել է օրինական ուժի մեջ:

Ելնելով վերոգրյալից՝ Ծաղկաձորի համայնքապետարանը, ի կատարումն Վճռի պահանջների, միակողմանի ամբողջությամբ լուծում է «Մինասյաններ Շին» ՍՊԸ-ի (այսուհետ՝ Կապալառու) հետ 2024թ. նոյեմբերի 01-ին կնքված թիվ «ԾԲ-ՀԲՄԱՇՁԲ-24/9» ծածկագրով Պայմանագիրը:

Քաղաքացիական օրենսգրքի 466 հոդվածի 3-րդ մասի համաձայն՝ «Պայմանագիրը լրիվ կամ մասնակի կատարելուց միակողմանի հրաժարվելու դեպքում, երբ պայմանագրից հրաժարվելը թույլատրվում է օրենքով կամ կողմերի համաձայնությամբ, պայմանագիրը համապատասխանաբար համարվում է լուծված կամ փոփոխված:»

Պատշաճ ծանուցումն ապահովելու նպատակով կկիրառվի ՀՀ Կառավարության 2017թ. մայիսի 4-ի թիվ 526-Ն որոշմամբ հաստատված «Գնումների գործընթացի կազմակերպման մասին» Կարգի 33-րդ կետի 17-րդ ենթակետով սահմանված դրույթները, համաձայն որի՝ պայմանագիրն ամբողջությամբ միակողմանի լուծելու մասին ծանուցումը պատվիրատուն հրապարակում է տեղեկագրում՝ նշելով հրապարակման ամսաթիվը: Պայմանագիր կնքած անձը համարվում է պայմանագիրը միակողմանի լուծելու մասին պատշաճ ծանուցված՝ ծանուցումը տեղեկագրում հրապարակվելուն հաջորդող օրվանից: Պայմանագիրն ամբողջությամբ կամ մասնակի միակողմանի լուծելու մասին ծանուցումը տեղեկագրում հրապարակվելու օրը ուղարկվում է նաև պայմանագիր կնքած անձի էլեկտրոնային փոստին:»:

ՀԱՄԱՅՆՔԻ ՂԵԿԱՎԱՐ



ՆԱԽԿ ՀԱՐՈՒԹՅՈՒՆՅԱՆ

Կատ. Իրավաբանական, քարտուղարության, անձնակազմի կառավարման, բուժքննության, օրհանգիստի վարչության /քարտուղարության կազմակերպիչ/ Ս. Ալոյան

+37460680139